



Inatsisartunut ilaasorta q Kuno Fencker, Siumut
/Maani

§ 37 naapertorlugu suliffeqarfiit inuiaqatigiinnit pigineqartut, Sulisitsisullu pillugit apeqquaqammut nr. 2023-46-mut akissut

14-02-2023
Sags nr. 2023 - 136
Dok. nr. 22414567

Inatsisartut suleriaasianni § 37-mi imm. 1 naapertorlugu suliffeqarfiit inuiaqatigiinnit pigineqartut, Sulisitsisullu pillugit tulliuuttut Naalakkersuisunut apeqquaqateqarputit.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqquutit tulliuuttumi akineqarput.

Apeqquut 1: Suliffeqarfiit inuiaqatigiinnit tamakkiisumik pigineqartut pillugit akisussaaffik, ilaatigut suliffeqarfiit taakkua pillugit akisussaaffik "Bestyrelsessekretariatet", Naalakkersuisut Siulittaasoqarfiata ataaniilluni Naalakkersuisoq tassaniittoq akisussaasuunertut inissisimava?

Akissut: "Suliassaqarfiit agguataarnerat pillugu kaajallaasitaq nr. 3, 1. juni 2022-meersumi (Suliassaqarfiit agguataarnerat)" § 4 innersuussutigalugu, allaffissornikkut immikkoortortaq "Ingerlatseqatigiiffinnut Allattoqarfik" Naalakkersuisut Siulittaasuata Naalakkersuisoqarfiata ataaniippoq. Kaajallaasitami tassami § 2-mi imm. 2-mi nr. 1 naapertorlugu, Naalakkersuisut Siulittaasua Naalakkersuisut Siulittaasuata Naalakkersuisoqarfianut akisussaavoq.

Apeqquut 2: Suliffeqarfiit inuiaqatigiinnit tamakkiisumik pigineqartut allallu, soorlu Nukissiorfiit assigisaallu, Namminersorlutik Oqartussanit oqartussaavigineqartut, qassit sorlerpiaallu "Grønlands Erhverv"-imut ilaasortaappat? Ingerlatsivikkaarlugit ersarissumik allattoqquneqarput.

Akissut: Suliffeqarfiit Sulisitsisuni ilaasortaasut, sulisitsisut.gl-imi peqatigiiffiup ilaasortanut paasissutissaasiviatigut tamanit takuneqarsinnaasumi ujarorneqarsinnaapput. Suliffeqarfiit nammineertitat taakkua pingasuusut Nukissiorfiit, Mittarfeqarfiit, Asiaq-Illu taaseqataasinnaanatik peqatigiiffimmi ilaasortaapput. Taaseqataasinnaanatik ilaasortaasut sulisitsisut.gl-imi aamma tamanit takuneqarsinnaapput.

Apeqquut 3: Suliffeqarfiit inuiaqatigiinnit tamakkiisumik pigineqartut allallu, soorlu Nukissiorfiit assigisaallu, Namminersorlutik Oqartussaniit oqartussaaffigineqartut qanoq annertutigisumik "Grønlands Erhverv"-imut attuumassuteqarnerminnut ukiuni 5 kingullerni aningaasartuuteqarpat? Uani aningaasartuutit ingerlatsivikkaarlugit katillugillu naatsorsoqquneqarput.

Akissut: Apeqquutigineqartoq pillugu Naalakkersuisut ilisimasaqanngillat.

Apeqquut 4: Ilaatigut qaammat marts 2021-imi, Royal Greenland A/S "Grønlands Erhverv"-imut ilaasortaajunnaarnerani, taamani ilaasortaanissap pissusissamisuunnginnera pisortaaasimasup ilaatigut tunngavilersuutigaa.

**Naalackersuisut pissusissamisoortut isigaat inuiaqatigiit pigisaasa
Namminersortut politikikkut anguniagaqatigiiffiannut ilaasortaasoqartarnissaa?
Naalackersuisorpiat politikkiat apequtigineqarmat, Naalackersuisorpiat
isumaat tusarusunneqarpoq.**

Akissut: Ingerlatseqatigiiffiit suliallit ataatsimoorfiini, sulisitsisut peqatigiiffiini imaluunniit soqutigisaqatigiinni ilaasortanngorniarnissaminnut periarfissaannik annikillisisinissaminnik Naalackersuisut kissaateqanngillat.

Inussiarnersumik inuulluaqqusillunga



Kalistat Lund